

ქ. თბილისი

27 იანვარი 2012 წელი

ერთის მხრივ ს.ს.ი.პ. შემოსავლების სამსახური (შემდგომში – შემსყიდველი), ადმინისტრაციული დეპარტამენტის უფროსის ლადო ქარქაშაძის სახით და მეორეს მხრივ, ს.ს. „სასტუმროებისა და რესტორნების მენეჯმენტ ჯგუფი - ემსკრუპ“ (შემდგომში – მიმწოდებელი), მისი გენერალური დირექტორის გიორგი ჩუბინიშვილის სახით ვხელმძღვანელობთ რა საქართველოში მოქმედი კანონმდებლობით, ვდებთ წინამდებარე ხელშეკრულებას შემდეგზე:

1. ხელშეკრულების საგანი და ობიექტი

1.1 ხელშეკრულების საგანია სასტუმროს მომსახურების (CPV55100000) სახელმწიფო შესყიდვა წინამდებარე ხელშეკრულებით გათვალისწინებული პირობების შესაბამისად, გამარტივებული შესყიდვის საშუალებით „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის "ვ" ქვეპუნქტის საფუძველზე.

1.2 ხელშეკრულების ობიექტია შემოსავლების სამსახურის უფროსის ჯამბულ ებანოიძის 2012 წლის 27 იანვრის ბრძანებით განსაზღვრული შემოსავლების სამსახურის თანამშრომელთა ტრენინგით მომსახურებისათვის 27.01.2012 დან 29.01.2012 ჩათვლით 10 პირის ღამისთევს, კვებისა და საკონფერენციო დარბაზით უზრუნველყოფა მიმწოდებლის სარგებლობაში მყოფ სასტუმრო კომპლექსში „კურორტი ყვარლის ტბა“.

2. ხელშეკრულების ღირებულება

2.1 შესყიდვის ობიექტის ფასი განისაზღვრება ლარებში.

2.2. ხელშეკრულების საერთო ღირებულება შეადგენს 4550 (ოთხათას ხუთასორმოცდაათი) ლარს ხელშეკრულებით გათვალისწინებული თანამდები ხარჯებისა და გადასახადების (დ.დ.გ. და სხვა) ჩათვლით. ანგარიშსწორება განხორციელდება ეროვნულ ვალუტაში, გადახდის დღეს არსებული ეროვნული ბანკის მიერ დადგენილი ოფიციალური გაცვლითი კურსის შესაბამისად.

2.3. 2.2 მუხლში აღნიშნული თანხა შეიძლება შემცირდეს (დაზუსტდეს) მიმწოდებლის მიერ ფაქტიურად გაწეული მომსახურების მიხედვით, შესაბამისად, ანგარიშსწორება მოხდება ფაქტიურად შესრულებული მომსახურების მიხედვით, მხარეთა უფლებამოსილი წარმომადგენლების მიერ ხელმოწერილი მიღება-ჩაბარების და აქტის საფუძველზე.

3. შესყიდვის ობიექტის მიწოდების პირობები

3.1 შესყიდვის ობიექტის მიწოდებას მიმწოდებელი უზრუნველყოფს საკუთარი ხარჯებით.

3.2 მიმწოდებელი ვალდებულია უზრუნველყოს შემსყიდველისათვის მომსახურების მიწოდება ბაზალეთის ტბასთან მდებარე სასტუმრო კომპლექსში.

3.4 მომსახურების მიწოდების პარალელურად, მიმწოდებელმა უნდა უზრუნველყოს თანმხლები დოკუმენტაციის კერძოდ, საგადასახადო ანგარიშ-ფაქტურის წარმოდგენა.

4. შესყიდვის ობიექტის მიღება-ჩაბარების წესი

4.1 შესყიდვის ობიექტის მიღება ფორმდება მიღება-ჩაბარების აქტით, შემსყიდველისა და მიმწოდებლის საამისოდ უფლებამოსილი წარმომადგენლის ხელმოწერით.

4.2 ხელშეკრულების შესრულების კონტროლზე და ხელშეკრულებით გათვალისწინებული მიღება-ჩაბარების აქტის გაფორმებაზე უფლებამოსილი პირია შემოსავლების სამსახურის ადმინისტრაციული დეპარტამენტის უფროსის მოადგილე მალხაზ ლომთაძე.

4.3 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია. წინააღმდეგ შემთხვევაში, შემსყიდველს უფლება აქვს უარი თქვას ანგარიშსწორებაზე.

5. ანგარიშსწორების ფორმა, გრაფიკი (ვადები) და ადგილი

5.1 მიმწოდებელი ობიექტის ღირებულების ანაზღაურება მოხდება უნაღდო ანგარიშსწორებით, ლარებში.

5.2 ანგარიშსწორება შემსყიდველის მიერ მოხდება საქონლის მიწოდებისა და აღნიშნულის თაობაზე მხარეთა შორის მიღება-ჩაბარების აქტის გაფორმებიდან 20 (ოცი) დღის განმავლობაში.

5.3 ანაზღაურების ადგილია ქალაქი თბილისი.

6. მხარეთა უფლება-მოვალეობანი

6.1 შემსყიდველს უფლება აქვს:

- შეამოწმოს მიწოდებული მომსახურების ხარისხის შესაბამისობა ხელშეკრულებით გათვალისწინებულ პირობებთან.

6.2 შემსყიდველი ვალდებულია:

- მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;
- დაიცვას ხელშეკრულებით გათვალისწინებული ყველა პირობა.

6.3 მიმწოდებელს უფლება აქვს:

- მოსთხოვოს შემსყიდველს მიწოდებული მომსახურების ღირებულების ანაზღაურება ხელშეკრულებით გათვალისწინებული პირობებით.

6.4 მიმწოდებელი ვალდებულია:

- დაიცვას ხელშეკრულებით გათვალისწინებული ყველა პირობა.

7. მხარეთა პასუხისმგებლობა ხელშეკრულების დარღვევისას

7.1 მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

7.2 თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულების გასვლა ვალდებულების შესრულებისათვის მის მიერ დამატებით განსაზღვრული ვადის უშედეგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

7.3 ხელშეკრულების მოშლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

7.4 ხელშეკრულების მოშლასთან და ზიანის ანაზღაურებასთან დაკავშირებით გამოიყენება საქართველოს სამოქალაქო კოდექსი.

7.5 ხელშეკრულებით გათვალისწინებული ვალდებულების შეუსრულებლობის ან ვალდებულების შესრულების ვადების დარღვევის შემთხვევაში, დამრღვევ მხარეს დაეკისრება პირგასამტეხლოს გადახდა ვალდებულების შესრულების ყოველ ვადაგადაცილებულ დღეზე ხელშეკრულების საერთო ღირებულების 0.05%-ის ოდენობით.

7.6 იმ შემთხვევაში, თუკი მხარის მიერ გადასახდელი (მხარისათვის წინამდებარე ხელშეკრულების შესაბამისად დაკისრებული) პირგასამტეხლოს საერთო ღირებულება გადააჭარბებს ხელშეკრულების საერთო ღირებულების 2%-ს, მეორე მხარეს უფლება აქვს ცალმხრივად მოითხოვოს ხელშეკრულების მოშლა და მიყენებული ზიანის ანაზღაურება.

8. ხელშეკრულების მოქმედების ვადა

8.1 ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან 2012 წლის 1 მარტამდე.

9. ხელშეკრულების პირობების გადასინჯვის შესაძლებლობა

9.1 წინამდებარე ხელშეკრულების პირობების, მათ შორის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10. ფორს-მაჟორი

10.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

10.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

11. დავები და მათი გადაწყვეტის წესი

11.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

11.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

12. ხელშეკრულების ინსპექტირების პირობები

12.1 შემსყიდველი უფლებამოსილია საქონლის მიწოდების პარალელურად მოახდინოს მიწოდებული საქონლის შემოწმება, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

12.2 ხელშეკრულების ინსპექტირებას შემსყიდველის მხრიდან განახორციელებს შემსავლების სამსახურის ადმინისტრაციული დეპარტამენტის სამეურნეო სამმართველოს უფროსი თეიმურაზ შავდია.

12.3 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს დაწუნებული მომსახურების რაოდენობისა და წუნდების მიზეზების მითითებით.

12.4 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

13. სხვა პირობები

13.1 მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

13.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

13.3 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

13.4 ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

13.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

14. მხარეთა იურიდიული მისამართები და რეკვიზიტები

„შემსყიდველი“
სსიპ „შემოსავლების სამსახური“
ქ. თბილისი გორგასლის ქ. №16
ს.ს. „კორსტანდარტ ბანკი“
კოდი # AGREGE22
ა/ა # GE14KS000000000077777
ს/კ № 204525585


ლ. ქოქაშაძე
ადმინისტრაციული დეპარტამენტის უფროსი



„მიმწოდებელი“
ს.ს. „სასტუმროებისა და რესტორნების მენეჯმენტ
ჯგუფი - ემგრუპ“
ქ. თბილისი, მარშალ გელოვანის ქ. №2.
ს.ს. „საქართველოს ბანკი“
კოდი # BAGAGE22
ა/ა # GE96BG0000000120191200
ს/კ № 205073016

გ. ჩუბინიშვილი
გენერალური დირექტორი





შემოსავლების
სამსახური

ბრძანება № 818

27. 01. 2012 წელი

სამუშაო შეხვედრის მონაწილეთა შემადგენლობა განისაზღვრის და
ორგანიზების შესახებ

„შემოსავლების სამსახურის შესახებ“ საქართველოს კანონის მე-6 მუხლის მე-2 პუნქტის „კ“
ქვეპუნქტის თანახმად,

ვ ბ რ ძ ა ნ ე ბ :

1. აუდიტის დეპარტამენტის მომავალ სამოქმედო გეგმის განხილვასთან დაკავშირებით, მიმდინარე წლის 27 იანვრიდან - 29 იანვრის ჩათვლით, ყვარლის ტბის მიმდებარე ტერიტორიაზე განთავსებულ სასტუმროს კომპლექსში დაგეგმილი სამუშაო შეხვედრის მონაწილეთა შემადგენლობა განისაზღვროს დანართი №1 შესაბამისად.
2. ადმინისტრაციულმა დეპარტამენტმა უზრუნველყოს ყვარლის ტბის მიმდებარე ტერიტორიაზე განთავსებულ სასტუმროს კომპლექსთან მომსახურების ხელშეკრულების (10 პირის ღამისთევა, კვება და საკონფერენციო დარბაზის დაქირავება) გაფორმება.

საფუძველი: აუდიტის დეპარტამენტის უფროსის 2012 წლის 26 იანვრის №7623-21-14 წერილი.

დანართი №1 (1 ფურცელი).

სამსახურის უფროსი



ჯამბულ ებანოიძე

უდიტის დეპარტამენტის მომავალ სამოქმედო გეგმის განხილვასთან დაკავშირებით დადგენილი სამუშაო ჯგუფის
შემადგენლობა

26-29 იანვარი, ყვარლის ტბ

№	სახელი, გვარი	თანამდებობა
1	რომან ჩხენკელი	აუდიტის დეპარტამენტის უფროსი
2	ჯაბა გაბუნია	აუდიტის დეპარტამენტის უფროსის მოადგილე
3	გიორგი ჩიტაიშვილი	აუდიტის დეპარტამენტის რისკების მართვის სამმართველოს უფროსი
4	ლია ფურცელაძე	აუდიტის დეპარტამენტის რისკების მართვის სამმართველოს უფროსის მოადგილე
5	გიორგი დავითაია	აუდიტის დეპარტამენტის რისკების მართვის სამმართველოს სპეციალისტი
6	სოფიო წერეთელი	აუდიტის დეპარტამენტის რისკების მართვის სამმართველოს სპეციალისტი
7	ირაკლი გვარამაძე	აუდიტის დეპარტამენტის შემოწმების მთავარი სამმართველოს უფროსი
8	გიორგი მთიბელაშვილი	აუდიტის დეპარტამენტის შემოწმების მთავარი სამმართველოს უფროსის მოადგილე
9	ლევან ბაინდურაშვილი	აუდიტის დეპარტამენტის შემოწმების მთავარი სამმართველოს საგადასახადო შემოწმების №7 სამმართველოს უფროსი
10	ავთანდილ გულვერდაშვილი	აუდიტის დეპარტამენტის საგადასახადო მონიტორინგის სამმართველოს უფროსი